

證治彙補六



證治彙補卷之六

門人朱逢掄升

王維鼎方來

姪邦俊彥章

男謨丕文

心痛章

誥揆文全較

大意

心爲君主義不受邪其厥心痛者因內外犯心之胞絡或他藏邪犯心之支脉非真心痛也謂之厥者諸痛皆氣逆上衝又痛極則發厥然厥痛亦甚少今人



所患大半是胃脘作痛耳彙補

內因

其絡與府之受邪皆因怵惕思慮傷神耗血是以受如持虛而方論復分曰痰曰食曰熱曰氣曰血曰悸曰蟲曰疰曰飲者亦常見之候均宜力辨彙補

痰痛

肺鬱痰火憂恚則發入門心膈大痛攻走胸背發厥嘔

吐升嘈雜不甯如飢如飽快快欲吐吐則稍寬此皆

痰火為患也指掌

食痛

因氣而食卒然發痛心胃高起按之愈痛腹脹暖氣
不能飲食机要痛時如有物阻碍累累不得下指大便
或閉久而注悶机要

熱痛

縱酒嗜辛蓄熱在胃偶遇寒氣熱鬱而發大便不通
面帶陽色痛必作止不常甚則躁渴吐酸額上有汗
指手足溫煖或身雖熱而手足寒謂之熱厥彙補

寒痛

如身受寒氣口傷冷物因而心痛面冷唇白口吐清
水手足厥逆遍身冷汗便溺清利口和不渴氣微力

弱痛必綿綿不已

要机

欲近煖處得熱則緩此因寒作

痛也

指掌

氣痛

因惱怒而發痛時隱隱悶結胃臆相引得噉覺寬為

憂鬱所致

指掌

甚則痛連脇肋嘔逆惡心吐不得出坐

卧不安奔走狂叫均宜枳殼木香以開其氣

彙補

血痛

若跌撲損傷或平日喜食熱物以致死血留于胃口

時痛時止或飲湯水下咽即呃

法心

痛時從上而下白

聞唧唧有聲搔抓無措眠卧不穩心下如刮上連胃

臆乃積血不消為火所載非蟲症也指掌又有婦人經

行未盡偶觸恚怒氣鬱不行血亦留積上攻心痛而

成薄厥者輕則開導重則攻下補彙

悸痛

內因七情心氣耗散心血不榮輕則怔忡驚悸似痛

非痛大肢體懶怠或欲揉按指掌重則兩目赤黃手足

青冷亦真心痛之亞歟門入

蟲痛

濕熱生蟲上攻于心痛發難當痛定能食飢則嘔沫

門入痛極如咬時吐清水或青黃綠水涎沫而清白而



少光彩指掌或乍青乍赤經脉或兼見白斑又有虺蟲作

痛因胃氣虛寒入膈攻心而吐虺者宜安虺為主用

香油葱汁呷之或花椒烏梅入藥同煎

疰痛

卒感惡忤尸疰素虛之人挾腎經陰氣上攻神昏卒

倒痛則引背偃僂素實之人挾腎經陰火上衝心痛

徹背門入昏憤妄言補彙

飲痛

水停心下心火畏水不能自安惕惕然引痛或如針

刺惡心煩悶時吐黃水按之有聲補彙



死症

有心痛者卒然大痛如有刀割汗出不休舌強難言

手足青至節旦發夕死夕發旦死

醫統

心痛分辯

心痛在岐骨陷處胃痛則橫滿胃間胃脘痛在心之

下準繩

脉法

心痛者脉必急痛甚者脉必伏又熱則數痰則滑癢則濇虛則濡外寒則緊內寒則遲沉細者生弦長者

死



大凡痛甚者脉必伏且有厥冷昏悶自汗寒熱之症切不可疑爲虛寒卽投溫補宜究病因而施治方爲無失

治法

久病無寒新病無熱初病宜溫宜散久痛宜補宜和
要機

治分寒熱

外因寒氣鬱遏元陽初宜溫散久則寒鬱成熱治宜清解內因鬱氣者始終是熱只宜苦寒瀉火辛熱行氣爲向導也

入門



北京中醫藥大學圖書館藏

治分虛實

心痛滿悶拒按便閉者宜利痛擿利減所謂通則不
痛也如病後羸弱食少體虛因勞忍飢而發手按痛
緩者治宜溫補然喜按屬虛拒按屬實乃論其常耳
往往有陰寒凝結亦令脹悶難按必當溫散無任寒
涼彙補

急救法

凡心腹痛倉卒無藥急以鹽置刀頭燒紅淬入水中
溫和飲之探吐若痛攻走腰背欲嘔諸藥不效者二
陳加倉朮川芎山梔探吐之或用明礬三錢爲末以

生熟水調服探吐痰涎亦愈彙補

用藥

主以二陳湯痰加枳寔南星食加山查麥芽熱加黃連山梔寒加乾姜厚朴氣加烏藥木香香附瘀加莢汁桃仁延胡索蟲加枳榔練根疰加沉香木香虛加乾姜炒鹽飲加猪苓燈心便閉久結加玄明粉

古方治九種心痛痰用導痰湯食用保和丸熱用清中湯寒用溫胃湯氣用調氣湯血用手拈散悸用妙香散蟲用萬應丸疰用蘇合香丸屬虛者加味歸脾湯認証投之無不捷效

附胃脘痛

內因

胃之上口曰賁門與心相連故胃脘當心而痛亦山
清痰食積鬱於中七情九氣觸於內是以清陽不升
濁陰不降妨碍道路而爲痛耳

正傳

外候

或滿或脹或嘔或吐或噎氣或吞酸或不能食或大
便難或瀉痢不止或面浮面黃本病與客邪必叅雜
而見也

必讀

治法

大率氣食居多不可驟用補劑蓋補之則氣不通而痛愈甚醫鑑若曾服攻擊之品愈後復發屢發屢攻漸至脉來浮大空虛者又當培補蓋脾得補而氣自運痛自緩此虛實之分也彙補

用藥

用藥與心痛相倣但有食積滿痛者用大柴胡湯攻下之餘叅心痛用藥如剋伐過多而痛者宜六君子湯加木香彙補

附胃痛

胃中引脇下空痛者肝虛也引小腹病痛者腎虛也

引背脾臂廉皆痛者心火盛也引脇肋髀外皆痛者胆水寔也有痰結者有停飲者有血瘀者有氣滯者此皆寔症也惟作勞之人胃痛引背食少倦怠遇勞頻發此爲脾肺俱虛宜培補元氣若夫怯弱咳嗽引痛胃中雲門中府者須防肺癰之患

彙補

選方

二陳湯

統治心痛諸症

導痰湯

治痰痛心痛

卽二陳湯加枳寔胆星

海蛤丸

丹溪

治痰飲心痛

海蛤燒爲末研極細過數日火毒散用之瓜蒌仁

帶瓢同研以蛤粉入瓜萁內乾濕得所爲丸每服

五十丸

保和丸

治食積心痛

見傷食

清中湯

治火症心痛

黃連

山梔

各一錢

陳皮

茯苓

各半錢

半夏

一錢

甘草

七草豆蔻

五分

生薑片

水煎

木桂湯

東垣

治寒濕所客身體沉重胃脘心痛面痿黃

桂枝

草豆蔻

半夏

炒麴

各五分

白朮

八分

陳皮

錢炙甘草

二分

水煎服

溫胃湯

東垣

治服寒藥過多致脾胃虛弱胃脘作痛



白蔻仁三分益智仁三分砂仁厚朴甘草乾姜

姜黃各二分人參三分陳皮七分水煎服

調氣湯 治氣逆心痛

香附上烏藥中陳皮中青皮下砂仁下甘草下

木香下藿香中水煎服

手拈散奇效治血瘀心痛

延胡索甘五靈脂水沒藥水草果等分為末每服三

錢熱酒調下

失笑散 治婦人心痛氣刺不可忍

五靈脂淨好者蒲黃等分為末每服二錢用醋一勺熬



成膏再入水一盞煎七分服

妙香散良方治心虛悸痛精神恍惚

人參 茯苓 茯神 山藥 遠志 黃芪各錢

桔梗 甘草各五分 木香二分 辰砂三分 麝香一分 爲末每

服溫酒調下

萬應丸 治蟲積心痛

黑牽牛 大黃 檳榔各八兩 雷丸 木香各一兩 沉

香五錢 糊丸

蘇合香丸 治疰心痛 見諸中章

歸脾湯 治虛心痛 見虛損